

An illustration of a nativity scene at night. A bright star shines in the dark sky, with rays of light illuminating the scene. In the foreground, a man with a beard and a woman are kneeling, looking at a manger containing a baby wrapped in a white cloth. A donkey is visible on the right side of the manger. The background shows a village with lit windows and palm trees under a dark sky with a crescent moon.

Matswalo a  
**JESU**

**MAPULA MARTHA MALATJI**  
*Diswantšho ka Jonanda Kannemeyer*

## **MATSWALO A JESU**

© 2023 One Heart  
Kgatišo ya pele 2023  
E gatišitšwe Afrika Borwa  
ISBN: 9781776475988

***Puku e ka phatlalatšwa ntle le tefo, efela go kgahlanong le molao go e rekiša. Puku e humanwa go [www.oneheartforkids.co.za](http://www.oneheartforkids.co.za).***

Ka tumelelo ya bagatiši, puku e ka abelanwa ka go gatišwa, go fotokhophiwa goba ka mokgwa wa eletroniki. Puku ga se ya swanela go fetolwa ka mokgwa ofe goba ofe. Go kgopela tumelelo ya go gatiša puku o ka ikgokaganya le bagatiši.


One Heart  
17 Pelikaan Street  
Stellenbosch, 7600  
South Africa  
[www.oneheartforkids.co.za](http://www.oneheartforkids.co.za)

Mongwadi: Dr. Mapula Martha Malatji  
Mothaladiswantšho: Jonanda Kannemeyer  
Morulaganyi: Caption Communications le Elizabeth Phala  
Motlanyi: Imprint Publishing

Dikanegelo tša Beibele  
**TESTAMENTE YE MPSHA**

**LUKASE 1-2 le MATEU 1-2**

Matswalo a  
**JESU**

The background is a dark, textured image, possibly a painting or photograph, showing a window with a dark frame and some purple flowers or garlands hanging from the right side. The overall tone is somber and artistic.

**J**osefa o be a beeditše go nyala Maria. Ka tšatši le lengwe Morongwa wa Morena a etela Josefa ditorong.

A re go yena “Josefa setlogolo sa Dafida, o se ke wa boifa go nyala Maria gobane o imišitšwe ke maatla a moya o mokgethwa.

O tlo belega ngwana gomme o mo reele leina la Jesu. Ka ge moporofeta a ile a bolela, leina la Imanuel le bolela gore “Modimo o na le rena.”

Kua Galilea motsaneng wa Nasaretha, Maria a etelwa ke Morongwa wa Morena. A mo dumediša a re: “Dumela wena mokgahlago Modimo! Morena o na le wena!” Ge Maria a sa tlabilwe ke ditumedišo le gore yena o sa beeditšwe, Morongwa a mo eletša go se tšhoge gobane Moya wo mokgethwa o tla mo aparela go tla belega morwa wa go tla bitšwa Jesu, Morwa Yogodimodimo, kgoši ya Baisraele bjalo ka Dafida.

Bogoši bja gagwe e tla ba bja go se fele. Yo a tlogo belegwa o tla bitšwa yo mokgethwa Morwa wa Modimo. Maria a dumela gore tšeo di mo diregele. Morongwa a mo tlogela.





Josefa a tloga Nasaretha a ya Betlelehema go ingwadiša yena le Maria. O ile fao ka ge e be e le wa leloko la Dafida gomme ba e tšwa fao.

Ya re ge ba le moo Betlelehema nako ya Maria ya go belega ya fihla. A belega ngwana a mo phuthela ka mašela a mo robotšša ka legopong, ka gobane go se na sebaka ka ngwakong wa baeti.







Ge Jesu a sena go belegwa, Boradinaledi ba Bohlabela ba bona naledi, gomme ba e latela go ya Jerusalema. Ba fihla ba botšiša kgoši Heroda gore e kae kgoši ya Bajuda ye e sa tšwago go belegwa.

Ba mmotša ba re, "Re bone naledi ya gagwe e rotoga ka bohlabela, gomme re tlile go mo khunamela."

Kgoši Heroda a gakanega ge a gopola gore o tlile go tšeelwa bogoši. A ba laela gore ba sepele.

Boradinaledi ba tšwela pele ka leeto, ba ntše ba latela naledi.



Ba hwetša lesea le le difarong tša mmagwe lona. Ba wa ka matolo ba mo khumamela, ba mo ntšhetša dimpho tša gauta, seorelo le mira.

Gona nakong yeo, go be go na le badiši ba dinku bao ba bego ba letše merakeng ba letile mehlape ya bona. Morongwa wa Morena a tšwelela go bona. Letago la ba dikanetša. Bona ba tšhoga, eupša morongwa a re go bona, "Le se ke la tšhoga! Ke tlile go le botša taba ye botse ye e tlogo thabiša setšhaba ka moka.



Lehono kua motseng wa Dafida le tswaletšwe Mophološi e lego Kriste Morena. Le tla hwetša lesea le phuthetšwe ka mašela le letše ka legopong.”

Badiši bale ba šala ba botšana ba re, “A re yeng Betlehemema. Re yo bona taba ye e diregilego, ye Morena a re boditšego yona.”





## **Thapelo**

Ka leina la Jesu Krete wa Nasaretha, Modimo re thuše go botša ba bangwe ditaba tše botse tša matswalo a Morwa wa gago lefaseng.

## **Dipotšišo**

1. Ke mang wa go etela Josefa le Maria go bolela ka ga matswalo a Jesu?
2. Ke ka lebaka la eng banna ba go tšwa bohlabela ba bitšwa Boradinaledi?
3. Goreng Kgoši Heroda a ile a gakanega ge Jesu a tswalwa?
4. Go reng lesea Jesu le be le robadišwe ka legopong?
5. Bolela mantšu a badiši merakeng ka morago ga ge ba kwele Morongwa.
6. Naa wena o thabela matswalo a Jesu? Goreng o re bjalo?

## Mophološi

**K**erekeng ye nngwe lekheišeneng Mahwelereng toropong ya Mokopane kua profenseng ya Limpopo ile ya etelwa ke baeng go tšwa moše wa mawatle.

Yo mongwe wa baeng a kgopela go bolela le bana ba sekolo sa Sontaga.

Moeng a dumediša bana morago a ba botša gore o kgopela go ba ruta koša ye nngwe yeo a e ratago kudu. O ba boditše gore koša yeo e ratwa ke bana ba bantši nageng ya gabo gomme o holofela gore le bona ba tla e rata. O ba boditše gore koša e bolela ka matswalo a Jesu Kriste mophološi.

Koša e re, "Batho bonang seo Modimo a se dirilego. Ka moka tšeo re bego re di letile di phethagetše.

Maria o belege kwana ka letšatši la Keresemose. Kwana yeo ke Jesu Kriste mmoloki le mophološi wa rena. Thabang le nyakalle gobane tshepišo ya Modimo e phethegetše."



Ge e tšwela pele e re, “Kgoši Jesu o tlile lefaseng go tla phološa nna le wena. Ka lebaka leo ge re imetšwe re hloka tshepo re swanetše go bitša leina la Jesu. Leina la Jesu le na le maatla ebile le a phološa.”

Moeng o ile a botša bana gore ba tshepe Morena Jesu ka pelo ka moka. A ba hlohleletša go opela koša go tsebiša ba bangwe gore Morena Jesu o tlile lefaseng go tla go lokiša tšohle le go re phološa.






## **Thapelo**

Modimo Tate re a leboga ka bahlanka ba gago ba ba re tlišetšago ditaba tša Jesu Krete. Re hlohleletše go ba le kwešišo.


## **Dipotšišo**

1. Baeng ba go tšwa moše wa mawatle ba ile ba kgopela go bolela le bomang?
2. Ke eng se ba ilego ba se ruta bana?
3. Koša e bolela gore Maria o belege kwana Jesu ka letšatši lefe?
4. Kgopelang morutiši a leke go opela košana yeo le lena.
5. Re eletšwa gore ge re imetšwe ebile re hloka tshepo, thušo re ka e hwetša kae, bjang?

**Matswalo a Jesu** ke ye nngwe ya dipuku tše 20 tše di bontšhago dikanegelo tše 10 tša Testamente ya kgale le tše 10 tša Testamente ye ntshwa, moo ye nngwe le ye nngwe ya tšona e nago le ditiragalelo-maphelong, di ithekgile ka tša Beibele.



Puku\_1



Puku\_2



Puku\_3



Puku\_4



Puku\_5




Puku\_6



Puku\_7



Puku\_8



Puku\_9



Puku\_10



Puku\_11




Puku\_12



Puku\_13



Puku\_14




Puku\_15



Puku\_16



Puku\_17



Puku\_18



Puku\_19



Puku\_20

## **Matswalo a Jesu**

Kanegelo ye e re amogediša mowa wo mobotse go tšwa go Morongwa wa Modimo le go fa mabaka a go amogela lerato la Jesu.

## **Mophološi**

Bjale ka ge Morongwa wa Modimo a tlišitše melaetša ya kholofelo go Josefa le Maria, le rena re romilwe go ruta bana go swana le baeng ba go etela sekolong sa Sontaga mo kanegelong. Bala methaladi ya košana ye o e filwego o tle o kwešiše gore le dipina di rwele melaetša ya go matlafatša.



9781776475988

Sepedi

